

Broj: 01-04-13-03422/2023

Datum: 09.06.2023.godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM
n/p tajnik – Ivan Miličević
veza vaš akt br. 05/1-02-142/23 od 06.06.2023.godine**

n/p zastupnik Sanel Kajan

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
GENERALNI SEKRETARIJAT VLADE
n/p- generalna sekretarka mr.sci. Edita Kalajdžić**

PREDMET: Odgovor na zastupničko pitanje Kajan Sanela, dostavlja se

Poštovani/a,

Federalna uprava za inspekcijske poslove zaprimila je dana 07.06.2023.godine akt Parlamenta Federacije BiH, gornji broj, koji je zastupničko pitanje Sanela Kajana, zastupnika u Zastupničkom domu Parlamenta Federacije BiH od dana 06.06.2023.godine, koje pitanje je naslovljeno na Federalnu upravu za inspekcijske poslove i Uredu za reviziju Institucija u Federaciji BiH.

Pitanje uvaženog zastupnika se odnosi na to da li je Federalni Inspektorat rada u posljednje tri godine vršio inspekcijski nadzor/e iz oblasti rada kod Zavoda za javno zdravstvo FBiH, i šta je utvrđeno po okončanju nadzora.

U pripremi odgovora na postavljeno pitanje, učešće je uzeo Federalni inspektorat rada, i u nastavku dajemo naš odgovor:

Federalni inspektor rada za oblast radnih odnosa Federalne uprave za inspekcijske poslove Sarajevo je dana 05.04.2023.godine izvršio usmjereni inspekcijski nadzor kod subjekta nadzora Zavod za javno zdravstvo FBiH, na adresi Titova broj 9, Sarajevo.

U predmetnom inspekcijskom nadzoru je utvrđeno da su od strane poslodavca učinjene povrede Zakona o radu („Službene novine Federacije BiH“, broj: 26/16, 89/18, 23/20 – odluka US, 49/21 – dr. zakon, 103/21 – dr. zakon i 44/22).

S obzirom na to da je postupajući federalni inspektor rada za oblast radnih odnosa u nadzoru, u dijelu svoje nadležnosti, utvrdio je da je bilo nedostataka u postupanju subjekta nadzora -Zavod za javno zdravstvo FBiH, to je izdao Rješenje, kojim je naložena upravna mjera otklanjanja utvrđenih nedostataka.

U odnosu na navode iz obrazloženja predmetnog zastupničkog pitanja, smatramo da je važno ukazati i na slijedeće:

- U Zavodu za javno zdravstvo Federacije BiH je na snazi Statut Zavoda za javno zdravstvo FBiH koji je temeljni opći akt Zavoda, donešen temeljem Odluke Predsjednika Federacije BiH o davanju suglasnosti na Statut Zavoda za javno zdravstvo Federacije BiH, koju je usvojio Parlament Federacije BiH, a koji je objavljen dana 22.01.2014.godine u „Službenim novinama Federacije BiH“, pod brojem: 5/14.
- U članu 39. stav (1) predmetnog Statuta propisano je da: „Direktora Zavoda za javno zdravstvo FBiH imenuje i razrješava Upravno vijeće Zavoda putem javnog natječaja na period od 4 (godine), s mogućnošću reizbora na još jedan mandatni period“.
- Članom 40. Statuta su propisani opći i posebni uvjeti koje direktor Zavoda mora ispuniti.

Imajući u vidu navedeno, obaviještavamo uvaženog zastupnika da Federalni inspektorat rada, osim kontrole rokova isplate plaća, nema nadležnost da preispituje opće i posebne uvjete koji Statutom utvrđeni za direktora, niti je u mogućnosti da utiče na visinu koeficijenata za isplatu plaće, jer ne može uopće ulaziti u kontrolu obračuna iznosa plaće.

Sukladno svemu do sada navedenom, Federalni inspektorat rada će i ubuduće vršiti redovne i usmjerene inspekcijske nadzore, te poduzimati adekvatne mjere, ukoliko utvrdi određene nepravilnosti u radu Zavoda za javno zdravstvo FBiH, ali isključivo u obimu i okvirima svoje zakonom utvrđene nadležnosti.

S poštovanjem,

Dostavljeno:

1 x tajnik- Ivan Miličević

1 x zastupnik- Sanel Kajan

1 x generalna sekretarka Vlade FBiH- mr.sci. Edita Kalajdžić

1 x a/a

07 12 -06-2023



21